

祈禱。多則數十萬金。少亦不下數千金。計共逾於鉅億。蓋政府自創行新政。勸告官民。招集公債。亦未有如斯踴躍也。其傾心樂輸。亦足以見愛民信教之熱心矣。

衍聖公商辦學務

日前孔燕庭上公大會。各學堂學生於李公祠高等武備師範各學堂到者共三百餘人（均本省人）關係爲商辦學務起見。散會時並合照一相。以爲紀念。

長將軍保舉洋務人員赴伊犁

伊犁地方。現有某國垂涎。交涉頗形棘手。此次長留守赴任。特保舉黃秀伯觀察。及陸觀察以襄辦洋務。聞黃秀伯久在美國任領事。於洋務頗稱熟悉。陸觀察亦在俄國充參贊官。十有餘年。亦熟悉俄國情形者也。

戶部銅元紙幣將出

聞戶部銅元局。擬設通行紙幣。現已造成七八千張之譜。自一千至十千爲止。惟須先由京津搭使。一俟行用通暢。再爲推廣製造云云。

趙將軍請招馬賊爲兵

聞日前趙次珊留守呈遞封奏。畧謂東省鬻匪。經戰國招撫。皆帶新式軍械。勢極猖獗。若戰國軍隊。一律撤退。該馬賊必致再逞鴟張。塗炭黎民。且戰國亦藉端狡焉思逞。豈釀不測。然該匪因帶有新式軍械。萬難肅清。加以若輩刁健。有軍人資格。爲今日計。不若招撫馬賊。訓練成軍。以絕禍源等語。現政府因秋操事宜。頗形忙碌。尙未核奪云。

福建自辦鐵路

福建省紳士陳寶琛。與同鄉京官籌議。招集華商股本八百萬兩。築一鐵路。自福州直達廈門。凡六百華里。現雖有駐在福州之法商某。設法運動。務欲阻撓其事。然陳等不以介意。仍在苦心經營。以希達其目的。

遼賴啓程回藏

庫倫辦事大臣。電致理藩院。略謂遼賴喇嘛。因本大臣屢次催回。於九月十七日已經啓程。先赴晉省五台山。然後抵甘肅省西寧。勾留少住。俟藏番消息。即行回藏。故請電飭西寧辦事大臣。加意照料外。電沿路督撫轉飭各該地方官。妥爲保護等語。